



**Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

**Luxemburgi, 1739**

CXXV. Clerici Regul. Pauperum Matris Dei exempti sunt ab Ordinariorum  
jurisdictione, & fruuntur Mendicantium privilegiis.

---

[urn:nbn:de:hbz:466:1-74708](#)

voluerunt non obstat: ceterisque contrariis quibuscumque.

Datum Romæ apud Sanctam Mariam Majorem sub Anulo Piscatoris die XX. Februarii MDCLXXXIV. Pontificatus nostri Anno Octavo.

## CXXV.

Confirmatur Decretum Congreg. Episc., & Reg. quo declaratur Clericos Regulares Pauperum Matris Dei esse exemptos a jurisdictione Ordinariorum, & gaudere omnibus privilegiis Mendicantium.

Literæ Greg. XV. hic laudata editæ fuere 1621. Novemb. 18. P. 1., & 1622., Octob. 15., P. 2. alia vero Clem. IX. datæ sunt 1669., Octob. 23. de exemptione ab Ordinariis vid. Clem. X. Conf. ed. 1670., Octob. 18., P. 1., & de aliis privilegiis hujus Pontific. Constitut. ed. 1686., Septem. 3., P. 10.

Dat. 13. Martii 1684. An. 8.

## INNOCENTIUS PAPA XI.

*Ad futuram rei memoriam.*

Species facti.

Nuper pro parte dicti filii Praepositi Generalis Congregationis Clericorum Pauperum Matris Dei Scholarum Piarum Congregationi Venerabilium Fratrum Nostrorum S. R. E. Cardinalium negotiis, & Consultationibus Episcoporum, & Regularium praepositi exposito, quod licet dudum, videlicet die 18. Novembris 1621. fel. rec. Gregorius Papa XV. Prædecessor Noster dictam Congregationem Clericorum in Religionem cum emissione trium Votorum solemnium erexerit, illique subinde nempe die 15. Octobris 1622. communicationem omnium privilegiorum Ordinibus Mendicantibus concessorum, non solum ad eorum instar, sed etiam pariformiter, & æque principaliter cum amplissimis clausulis concesserit, prout in binis Literis ipsius Gregorii prædecessoris desuper expeditis plenius dicunt contineri, & post aliquos status mutationis, quas eadem Congregatio Clericorum successive passa fuerat rec. mem. Clemens Papa IX. etiam prædecessor noster ipsam Congregationem ad statum Regularem, & Titulum Religionis cum emissione trium Votorum solemnium, & ad fractionem omnium, & singulorum Privilegiorum, Immunitatum, Facultatum, Exemptionum, aliarumque Gratiarum, & Indalitorum Ordinibus Mendicantibus hujusmodi quomodolibet concessorum in omnibus, & per omnia ad limites supradictarum binarum Gregorii prædecessoris Literarum, & juxta illarum seriem, dispositionem, & tenorem auctoritate Apostolica restituerit, & reintegraverit. Nihilominus a nonnullis spargebatur opinio, quod non ideo dicta Congregatio, ejusque Clerici Regulares ab Ordinariis Jurisdictione exempti essent, sub praetextu, quod hujusmodi exemptionis concessio in dictis privilegiis individualiter expressa non esset: & in eadem expositione subjuncto, quod ex hujusmodi opinione multa nascebantur incommoda, ideoque cum notorium sit, omnibus Regularibus, quibus privilegia Ordinum Mendicantium communicata sunt, exemptionem ab Ordinariis Jurisdictione hujusmodi competere, ipse Praepositus Generalis de opportuna in præmissis declaratione provideri plurimum cupiebat; emanavit ad ejus supplicationem ab eadem Congregatione Cardinalium Decretum tenoris, qui sequitur, videlicet-- Sacra Congregatio Eminentissimorum S. R. E. Cardinalium negotiis, & Consultationibus Episcoporum, & Regularium praeposita censuit, ac declaravit Religionem Clericorum Regularium Pauperum

Matris Dei Scholarum Piarum gaudere exemptione a Jurisdictione Ordinariorum locorum, ac omnibus Privilegiis Regularibus Mendicantibus concessis. Roma 14. Januarii 1684. -- G. Cardinalis Carpineus Loco ✡ Sigilli -- B. Panciatius Secretarius.

§. 1. Cum autem, sicut praefatus Praepositus Generalis Nobis subinde exponi fecit, ipse Decretum hujusmodi, quo firmius subsistat, & servetur exactius Apostolica confirmationis nostræ patrocinio communiri summopere desideret: Nos ipsius Praepositi Generalis votis, hac in re quantum cum Domino possumus, favorabiliter annuere volentes, eumque a quibusvis excommunicationis, suspensionis, & interdicti, alijque Ecclesiasticis sententiis, censuris, & penis a jure, vel ab homine quavis occasione, vel causa latet, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censes, supplicationibus ejus nomine Nobis super hoc humiliter porrectis inclinati, Decretum præsertum auctoritate Apostolica tenore præsentium approbamus, & confirmamus, illique inviolabilis Apostolica firmitatis robur adiuvimus, salva tamen semper in præmissis auctoritate memorata Congregationis Card.

§. 2. Decernentes eisdem præsentes Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari: sicutque in præmissis per quoscunque Judices Ordinarios, & Delegatos, etiam Caſarum Palati Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari. Non obstantibus præmissis, ac Constitutionibus, & Ordinationibus Apostolicis, ceterisque contrariis quibuscumque.

§. 3. Volumus autem, ut earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo persona in Ecclesiastica dignitate constitutæ munitis, eadem prouersus fides, ubique tam in iudicio, quam extra illud habeatur, qua ipsi præsentibus haberetur, si forent exhibite, vel ostensa.

Datum Romæ apud Sanctum Petrum sub Anulo Pisc. die XIII. Martii MDCLXXXIV., Pontificatus nostri Anno Octavo.

Dubium.

Decretum  
S. Congrega-  
tionis Episc.  
& Regul.

Confirmantur Conventions initæ inter Fratres Minores de Observantia, & Conventuales Ordinis Sancti Francisci circa primatum in Processionibus, aliisque functionibus.

## INNOCENTIUS PAPA XI.

*Ad futuram rei memoriam.*

Exponi Nobis nuper fecit dilectus filius modernus Minister Generalis Ordinis Fratrum Minorum Sancti Francisci Conventualium nuncupatorum quod cum in Civitate Averlan, ejus Patria Fratres Minores Ordinum ejusdem Sancti Francisci tam de Observantia, quam Conventuales nuncupati in publicis processionibus infimul, uno quidem Fratre de Observantia ad dextram, altero vero Conventuali ad sinistram, & ita deinceps, præcedentibus eorum respective Crucibus, Fratrum de Observantia similiter ad dextram, Fratrum autem Conventualium ad sinistram, incendere solerent, siue incendi modus nonnullis incommodis, sive inordinationibus causam præbuisset, ipse Minister Generalis di-

lectum

Præces Pra-  
positi Gene-  
ralis.

Confirmatio  
relati Decre-  
ti.

Clafulx.

CXXVI.

Dat. 15. Apr.  
1684. An. 8.

Species facili-

le